

續修陝西省通志稿

卷首

陝 函 續 通
廿 卷 一 百
勘 誤 全
附

民國二十三年
十二月九日

續修陝西通志稿序

中國方志之作濫觴於漢魏之間王逸廣陵郡圖經譙周益州記是也自是以後其書益煩隋經籍志有冀州幽州圖經書已不傳宋元以來體例漸詳今之臨安志吳郡志可見大畧若行省之通志明代始有專書清康熙十一年詔州縣分輯志書雍正七年又令各行省重修通志上諸史館陝西通志即於十三年告成今通行之劉於義監修本是自後百餘年迄未再修宣統時大吏延高君賡恩續纂通志經辛亥改革散佚不傳民國十二年省垣設局延耆紳從事編輯變前志之三十二門更定爲二十八目名曰續陝西通志稿先後未及十年成書二百二十四卷盛矣哉纂述之弘規因革之炯鑑悉具於茲矣顧嘗思之清代全盛極於乾隆六十年嘉道以還內變既作外患亦殷歷光宣之際號令棼如遂即

續陝西通志稿

卷首序

一一

于亡陝省地處其中政事與之牽連非有續志羅列其詳何以資文獻之徵以兵事言之乾隆道光戡定回疆徵調轉運萃於肅州而西安爲其根據嘉慶教匪事起南山老林爲出沒衝途陝中受其牽制寧陝漢中之兵制以更此續志之應詳者一也山南征勦迄十餘年客土居民遷徙繁多設廳置吏新增有五營汛編列其數亦夥此續志之應詳者二也以財政言之洪楊軍興湖湘平之而餉糈所資創抽釐金軍務平定終難取消陝中設局同時徵商與清代終始其後甲午庚子賠款議和分年償還陝無所出借名差徭按糧分攤而永不加賦之例破此續志之應詳者三也以教育言之清代教士得力書院州縣書院實盛於乾隆以還宏道味經與關中號三大書院味經後設咸陽一師提倡時務苦心毅力衆謗不辭陝人士子受益實深今學校林立格物致知科學是尙

制度善矣而風潮時或發生論者謂辦理學校端在師資得人故
味經當時造士在陝西尤占重要此續志之應詳者四也以交涉
言之五口通商事在道咸陝無商埠而傳教名目附在條約購地
設堂與年俱增天主耶蘇交午城鄉民教相爭外患因之今雖稍
異於前偶俱無猜而中西交通頗有相關此續志之應詳者五也
以蒙墾言之榆林近邊六縣榆林府靖居民生計多恃租種蒙地計
東西廣千餘里南北表百里二百里不等名爲蒙地實漢唐之上
郡朔方勝夏各州地也清初邊民租種至乾隆道光以後租墾益
多其後蒙墾設局畫歸他省有礙陝民生計應詳稽緣起爲他日
收回計此續志之應詳者六也此六大事皆乾隆以後事變相偏
爲前此所未有禍福成敗關係陝西最切證古援今詎可數典相
忘若其季年新政多門搜輯較易借證實多抑自乾隆至清末當
續陝西通志稿

卷首序

一二

十八十九世紀合衆成國政治工業皆於此時改革汽機製造實
爲歐亞交通大端陝鄙西陲難言知彼而利害得失與百餘年之
往事不難推因以求果察往以知來虎城從事戎伍自愧不文竊
以平日見聞證之茲編畧敘一二而諸先生之提綱挈要以成一
邦之文獻者河嶽生色傳示無窮無事片言之揄揚已陝西省政
府主席楊虎城謹序

序

歲癸酉余奉國府命承乏秦省民政廳適陝西續通志脫稿館長王君卓亭徵序於余辭以未暇則曰例也既弗獲卻則謹颺言其端曰秦之有地誌也自三輔黃圖始也而通志則昉作於明嘉靖辛丑陝撫趙廷瑞禮聘馬谿田呂涇野爲之世所傳馬志是也清康熙初賈撫漢復延王山史李河濱宋文介重修雍正末劉督於義倩僉事沈青崖副使何師儉又輯之迄今凡四役矣雖紳修官修時有不同而書之大體不異所異者則今昔之世變耳其在明時馬呂皆當世達官又均負海內重望藉家居時蒐輯方志頤指氣使當不至有支絀之感即在清初方內之干戈嚮甯民間之蓋藏亦厚門多通德家有賜書二三名流抽毫命牘從容以與於墨翰之事亦盛軌也顧今則爲何世宙哉滄桑遞變縉紳妙藏書之

續陝西通志稿

卷首序

三

家劫火頻燒官府少可稽之檔加以兵事之至乘沴厲之仍輟時局政局之數數更易每一事變志館即隱與搖動余以薄宦時出時歸斯館亦時興時替昔年舊侶半居館中方冀勸遊歸來時相過從與三數知舊樂數晨夕而旱災又薦創夷滿目荒政既急切待籌斯館亦中更多故不惟馬呂時之太平豐暇不可倖得即山史河濱時之方宇靜謐游優箸述亦杳焉不能復睹當亂離飽經之餘方將謂放失舊聞粹難羅罔矣而諸君子搏心揖志勤勤懇懇酷暑隆寒鏗而不舍撫拾於灰燼之中編摩於戎馬之際卒能集腋爲裘有志竟速成關輔二百年鉅典俾名宦魁儒孝子貞媛之幽潛賴之以彰以柱世風而維禮教子桓所謂經國之大業不朽之盛事者則斯編也近之矣故於其成也畧稽今昔修志之概要而爲之序以見文獻與世變相因俾世之人鏡覽焉三原王典

章幼農甫謹序

續陝西通志稿

卷首序

序

陝志之修訖於雍正乙卯自乾隆至清末垂二百年文獻無徵識者惜之民國之初巡按呂公調元倡議重修安康陳公樹藩繼之聘醴泉宋先生伯魯爲總纂丁巳之冬省軍變作不竟其志既而鞏縣劉公鎮華長陝繼續開局廣延士紳博採分編濟濟踴踴頗極一時之盛久之而戰雲四起事又中輟戊辰樂陵宋公哲元主陝銳意恢復悉仍舊貫一歲之中成書及半方冀殺青有日得以先覩爲快不意南北戰事突起經費虛懸而事又無形停擱嗟乎志乘一書關係一代典章文物因革損益之大政治之所取材者也蒼蒼不弔降割西土師旅饑饉紛至沓來致令二百年之掌故幾同荒煙蔓草概付淪亡豈不重可惜哉迨至庚午蒲城楊公虎城蒞陝鄉邦文獻本極關懷又值中央政府通令各省市區設館續陝西通志稿

卷首序

五

修纂遵章改組仍以醴泉宋先生爲館長不佞副之夫以先生之學之識老於箸述海內推爲靈光而編校諸公復多一時名宿使天假先生以年聿觀厥成其聲價定當與河濱山史並重千秋無如九仞之山尙虧一篑而先生遽於壬申七月捐館矣不佞卅年宦海學殖久荒自愧無能爲役第念功在垂成不忍廢置且重以當道敦促祇得勉爲兼攝以竟先生未竟之業統共全書分二十八門類共編爲二百二十四卷彙爲一百二十冊其中拾遺補漏刪繁汰冗釐其次第正其訛謬雖不無妄參未議之處而於先生纂修之大綱初未嘗有所改易也茲當付梓用述其顛末云爾癸酉仲春蒲城王健卓庭甫謹序

續修陝西通志稿

凡例

一自來修方志者以體例謹嚴爲主其書名有不拘一例者如阮文達公元有雲南通志稿章進士學誠有湖北通志稿而畢尙書沅纂輯雍部勝蹟且以關中圖志爲名此前例可徵者也陝西通志修於有清雍正季年時當全盛蒐羅宏備體例綦嚴是以四庫全書提要稱其訂古證今詳畧悉當洵非虛譽此次續修始於乾隆終於宣統綜二百載之典章政治斷代爲書勒成巨製顧嘉慶丙辰而後兵燹屢經光緒甲午以還政綱大變案牘既頻經燔毀編摩復迫於時期考獻徵文時虞疏漏遽曰續志恐貽通博之譏茲援阮章兩氏所著滇鄂通志稿之例定名曰續修陝西通志稿聊存三秦掌故非敢自謂完書至於匡救

續陝西通志稿

卷首

凡例

一一

彌縫則俟後之君子

二前志爲卷一百爲類三十二綱舉目張允推詳盡現在續事編輯準以時代有須畧爲變通者如山川則形勢仍舊封爵則襲廢稀聞屯運則制度全更帝系則藩封早撤似皆無取殫述至於田賦兵防有必須分增之子目人物風俗有酌爲添併之科條又若紀事雖沿舊目而敘述加詳倉庾另立專門而積儲攸賴其他藝文遵乎漢志荒政法夫周官古蹟陵墓寺觀釋名勝者登之餘詳舊志實事而求其是因時而酌其宜更定門類二十有八細目畧有變易大端無改前編總期不失賡續成書之意云

三修史之家圖表並重前志建置疆域山川並繪有專圖而黃河一圖津渡經流千餘里中朗若列眉尤爲絕無僅有之製茲修

續志亦以輿圖列諸卷首根據光緒中繪送會典館陝圖舊式開方計里凡城鎮鄉村驛站河渠一一繪列較諸舊式煥然改觀表則星野一門附以經緯各度縷晰條分視畿輔鄂贛諸志較爲詳覈餘若田賦若營汛若水利若職官律以通例悉宜列表第測算既須時日詳畧尙待徵求姑仍舊志體裁分別編輯以歸翔實

四金石之學有關經史關中爲周秦漢唐故都豐碑古碣甲於各省好古者攜氈蠟披荒榛片石摩挲如獲異寶往往苦心訂證勒爲專書如朱氏之雍州金石記趙氏之石墨鐫華畢氏之關中金石記葉氏之語石羅氏之昭陵碑錄皆是也乃舊志尙付闕如讀者憾焉茲特列爲專門詳加蒐輯始自周漢迄於元明逐代編錄付以辨証補諸家之缺畧蔚方志之偉觀誠攷古家

續陝西通志稿

卷首 凡例

一一

一大快事也

五自前清同光以來各省通志多有新纂之編體例講求頗臻詳備此次修葺陝志洵有當擇善而從者如鄂志人物之區地域而不區名目藝文之載目錄而不載辭章紀事之詳兵役而不詳政畧眼光心力突過前人茲編於上列各門即參仿其例藉以祛彼繁蕪存吾統紀其吉林志於職官繫遷除月日山西志於荒政紀經畫始終畿輔志於典章文物尤一一致詳而不存因陋就簡之意胥資取法有益觀摩業於諸類中參酌爲之豈惟補故府之搜羅實亦獲他山之攻錯虛衷求益識者鑒焉

六陝西居西北上游以農事雄天下而往往水旱不時輒數十年大饑一遇前者無論矣有清嘉慶十年之水道光二十六年之旱光緒三四年復苦奇荒而二十六年庚子之災幾竭天下全

力以振之在陝言陝荒政叙述有不可闕畧者詳覽晉志立有荒政一目因亦採集當時文牘彙爲一編用告方來俾獲法守獨助善舉推暨尤宏并附列焉又關中水利甲於中原舊志列之山川未足以資提倡茲亦專立一門考厥源流稽其利弊期與荒政相輔而行有沃野而無荒年亦史遷河渠之遺意也

七關輔財賦本以地丁一項爲大宗迨後差徭課程徵收漸廣及乎咸同以還軍興籌餉遂有釐稅之徵光緒之季陝西權收幾至百萬以上其他雜徵名色頗夥兼之倉儲馬厰收斂滋繁鹽課屯更章程數易因革損益與時推移宣統初元部臣綜覈陝省度支出入在六七百萬以上大半出自正供商稅釐收究不過居額入二三蓋田賦之輸實超乎他項徵收之右考陝西財政者讀此編可以知其大凡矣其間子目循舊居多然釐金商稅等項皆前志所無而收數既夥有裨軍國之需周官賦役唐代租庸差徭變更關繫版曹掌故諸類紀載有不得不出以詳審者時勢爲之非得已也

八前志學校選舉均立專門其制行之數百年俎豆莘莘人材蔚起禮明樂備成效昭然顧自光緒甲午後海上用兵失利議者歸咎於人才不振由學校之未通中東於是廣設學堂提倡方言格致之科關中因亦次第設立大學中學高小學迨罷制藝停科舉於是選舉之制亦屢有變更厥後東西各邦陝西併皆遣學人才作育國運攸關故今於學校選舉始詳承平庠序之規終述黌舍維新之故記言記事采擇綦難期生面之別開非故步之頓失門類一沿舊制子目酌量增添並爲列表以省篇幅其議論淹通者亦間爲附錄敬教勸學大起闕規以視舊志

名則同而實則異已

九前志列有紀事一門採取歷朝大事關乎陝西者約畧紀載一切皆從簡淨他省志書多循此例獨新修鄂志專紀用兵且仿紀事本末體裁編年繫月貫徹始終此修志家變例之最善者今從其例舉乾嘉以來征勦白蓮及咸同光三朝軍事始末博稽官書兼采私乘分別紀述不厭求詳間有異同附以考辨蓋前清大征伐之役三而川楚流寇及豫捻陝回爲禍最深非究初終曷資考鏡若夫光緒庚子迫於強敵懋輅西巡駐蹕長安滿歲始返懷柔震疊儼若行都其間如議欵振災修學革政中外變局舉肇於斯哀痛下興元之詔書巡狩署南陽之司隸有關輿替著記敢疏類多互古稀聞自更不能拘前志之成法揭明宗旨藉質博通

續陝西通志稿

卷首

凡例

四一

十目錄之學漢志曰藝文隋志曰經籍馬氏文獻通考亦曰經籍皆錄四部全書而區別之其實一也自修方志者以詞章屬之藝文以書策屬之經籍遂致移易主名轉有混淆之失前志經籍一類專載陝人古今著述原亦循漢隋兩志之例所病者選錄稍狹紀敘多疏未能提要鉤元使夫讀者粗識旨趣由其時四庫館未開所謂劉向敘錄曾鞏校上之法少所討論故也今仿鄂志仍改此類爲藝文以復班史之例除周秦迨隋各書多屬通行本及大半亡佚外所有唐宋迨有清之末凡屬關中名流著作悉皆蒐列統於四部並畧仿四庫全書提要之法於每書下撮其撰書大旨加以考辨或原書有序跋及入四庫提要者亦刪節鈔入鄂志即係如此俾檢閱者具知體要不患涉大水而迷津涯書林得失一覽瞭如度亦承學者所深慰也其通

行本善否及亡佚各書擬俟將來考證確實另編前陝西經籍志校正一書別本專行不附續志之內以明界畫而資蒐討十一自前清乾隆嘉慶以來關中名宦人物時代差近傳聞頗多加以歷朝陶鑄之餘關學涵濡之故吏治超越於他省人才方駕於前聞既叢集於輶軒難割棄於簡牘至於咸同以還干戈屢擾疆場死節鄉里效忠先後殉難者何止數十百萬而時期稍迫採訪難周始就郡縣冊陳分別紀載官員死事者繫諸名宦傳後士民死事者繫諸人物傳後其事跡寡少者則表記之凡以彰大節而慰忠魂編錄之繁殆不容已其有關畧仍俟後來

十二清光緒中厲行新政凡陸軍警察交涉學務司法實業及諮議局諸端各省多已舉辦以故湖北甘肅新疆等省志中皆詳

續陝西通志稿

卷首 凡例

五一

載之而鄂志且立有新政一門分述顛末固治國聞者所當悉也顧陝西當時一則限於風氣不開一則苦於經費支絀奏報雖聲明措辦其實多託諸空言兼之案牘多燔徵求非易茲舉其有關實際者如陸軍則附諸兵制學務則附諸學校諮議局則附諸選舉司法則附諸職官警察本有巡警軍則亦附諸兵制實業則附諸物產交涉則陝省本未設司茲併撮要附諸兵防邊備及西巡紀事風俗宗教中犖犖大端足資考鏡

十三歷來方志多附錄詞章於各門之末或曰文錄或曰藝文蓋取春秋內外傳稱述名賢奏議論辯及公羊家言求詩鄉國之制意至善也惟修方志者於此事選錄每涉繁蕪而後賢著述汗牛充棟即如陝西乾嘉以來達官才士之奏疏文稿詞賦詩歌累萬盈千豈勝登載茲擬依章氏文史通義之說刪繁舉要

分類選錄務取肅括宏深有益於人心世道者以立風化之準
繩廣鄉邦之文獻編中奏議徵述論著三者其撰著之人自不
拘時代遠近即詩賦爲近人作者亦本章氏所云同時人著作
概從附錄之例酌爲錄入用副古者陳詩觀風之意庶幾故實
可咨者而遺訓亦可問焉以殿全篇用廣流傳



陝西通志館職官姓名

民國二十年一月一日遵章改組

督修

陝西省政府主席

蒲城楊虎城

陝西省政府主席

浙江邵力子

監修

陝西省政府委員兼民政廳廳長

河北李志剛

陝西省政府委員兼民政廳廳長

三原王典章

陝西省政府委員兼民政廳廳長

榆林胡毓威

陝西省政府委員兼財政廳廳長

興平韓光琦

陝西省政府委員兼財政廳廳長

河北甯升三

陝西省政府委員兼教育廳廳長

湖北李範一

陝西省政府委員兼教育廳廳長

三原李百齡

續陝西通志稿

職官姓名

二

陝西省政府委員兼教育廳廳長

河北周學昌

陝西省政府委員兼建設廳廳長

蒲城李協

陝西省政府委員兼建設廳廳長

山西趙守鈺

陝西省政府委員兼建設廳廳長

安康雷寶華

陝西省政府委員

蒲城寇選

陝西省政府委員

山西馮欽哉

陝西省政府委員

蒲城井岳秀

陝西省政府委員

甘肅張贊元

參訂

長

安

張鳳翔

湖

北

余俊

藍

田

牛兆濂



興

張元際

三

茹欲立

蒲

李元鼎

河

耿壽伯

蒲

蒙濬生

榆

杜丕功

浙

孫齊賢

洵

李夢彪

榆

張熾章

鄠

王鳳儀

朝

張奚若

三

王陸一

續陝西通志稿

職官姓名

一一

富

劉守中

長

謝增華

興

趙玉璽

蒲

王頌

乾

范凝績

潼

趙鵬超

渭

韓璠

館長

醴

宋伯魯

副館長

館兼
長攝

蒲

城

王健

編纂

江

蘇

吳廷錫

渭

南

武樹善

朝

邑

霍勤燁

興

平

馮光裕

總校

長

安

毛昌傑

三

原

晁鴻年

覆校

醴

泉

王憲章

郟

縣

白建勛

郟

縣

王謙柄

臨

潼

孫仁玉

續陝西通志稿

職官姓名

三

蒲

城

淵農文

江

蘇

繆延福

蒲

城

李望古

臨

潼

張步侯

校勘兼分纂

甘

肅

陳景雲

醴

泉

曹驥觀

山

東

焦振滄

興

平

南岳嶠

醴

泉

侯邦楨

長

安

齊執圭

湖

北

周家藩

校勘

長

安

王錫綬

長

安

陳澍霖

渭

南

趙解

醴

泉

宋鏞昌

採訪兼分纂

長

安

柏震葵

採訪

三

原

李海

渭

南

陳纁

岐

山

段民達

長

安

查尙謙

續陝西通志稿

卷首

職官姓名

四

安

康

張仞鳴

潼

關

甯萬中

渭

南

梁俊章

長

安

張笙午

蒲

城

郭雲程

南

鄭

林朝元

三

原

胡堪

長

安

桑種珊

醴

泉

董景星

蒲

城

李澍華

長

安

王文綬

長

安

黃元恕